



Publicaziuns dalla vischnaunca, jamna 43

Damonda da baghegiar 2014-1043.000

Datum dalla publicaziun: 24 d'october 2014

Il patrun: Claustra da Mustér, Via Claustra 1, 7180 Disentis/Mustér

Il representant: Biro d'inschignier Iso Mazzetta, Via Principala 125, 7166 Trun

Object: Construcziun d'ina lingia pil provediment da scaldament dils baghetgs 196D e 196B, parcella 2883, Via Lucmagn 31, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 16 d'october 2014
Uffeci da baghegiar Disentis/Mustér

Manteniment da vias e sendas

La vischnaunca da Mustér s'adressa als vischins e vischinas ed uniuns interessadas da segidar vid il manteniment da sendas e vias da cultivaziun (vias forestalas e vias funsilas). Sil territori dalla vischnaunca da Mustér sesanfla ina reit da sendas marcadas e signalisadas da ca. 160 km. La reit da vias da cultivaziun ei medemamein dètg liunga e pretenda la duida atenziun.

Nus lessen envidar tuttas e tuts interessai d'annunziar lur interess pil manteniment da sendas e vias funsilas. L'indemnisaziun vegn fixada en fuorma d'ina pauschala annuala a norma d'in sempel carnet da duers e d'in temps d'engaschi fixau. Lavurs supplementaras stuessen vegnir coordinadas cul me-naschi tecnic.

Interessents che fussen promts da surprender la respon - sabladad pil manteniment d'ina senda ni d'ina via da cultivaziun ein supplicai d'annunziar lur interess entochen venderdis, ils 31 d'october 2014. Las annunzias han da succeder a scret. Per ulteriur sclariment stattan il menader digl uffeci da baghegiar ni il forester communal bugen a Vossa disposiziun.

Disentis/Mustér, ils 18 d'uost 2014
Suprastonza communal Disentis/Mustér

Santeri Sogn Gions Mustér – Sclamada da fossas

Per saver realisar la fossa comunabla en santeri da Sogn Gions vegnan las fossas sisum santeri, las quallas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas 20 onns. Las suandontas fossas en santeri Sogn Gions vegnan sligiadas si:

- Beer Maria
- Lutz-Giger Maria Luisa
- Petschen-Andriuet Margreta e Gion
- Flepp-Manetsch Rosa
- Dermon-Werth Anton
- Hosang Giuseppa
- Ciura Marek
- Maissen-Berther Maria Lucia
- Giger-Sialm Damian



- Monn-Steger Monica
- Desax Leci

Nus supplichein ils vegnetsuenter resp. talas persunas ch'ein responsablas per las fossas d'allontanar cruschs, monuments e fluras entochen ils 15 da november 2014 ni d'informar igl uffeci da baghegiar co igl ei da proceder. Las ramas dallas fossas vegnan demontadas entras la vischnaunca, medema-mein tuttas cruschs e monuments ch'ein buca vegni allontanai entochen ils 15 da november 2014.

Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.

Uffeci da baghegiar Disentis/Mustér

Vischnaunca Disentis/Mustér

Publicaziun dil conclus d'approbaziun davart la revisiun parziala dil plan da zonas Via Veglia 1:500

Il departament dall'economia publica e fatgs socials dil Grischun ha, applicond igl art. 49 dalla lescha davart la planisaziun dil territori dil cantun Grischun (LPT), approbau ils 12 da settember 2014 la revisiun parziala dalla planisaziun locala, concludida ils 3 da fevrer 2014 entras la suprastonza communal. Il conclus da revisiun cumpeggia il plan da zonas 1:500 Via Veglia. L'approbaziun ei succedida senza resalvas.

Disentis/Mustér, ils 20 d'october 2014
Suprastonza communal

Referendum facultativ spirau

Ils 19 da settember 2014 ha il cussegl da vischnaunca approbau la lescha davart la taxa da hosps e la taxa da turissem. Encunter quella decisiun ei enteifer il termin fixau buca vegniu fatg diever dil referendum, aschia ch'ella han contonschiu vigur legala.

La lescha ed il regulativ davart la taxa da hosps e la taxa da turissem entran igl 1. da schaner 2015 en vigur ed ein sco usitau publicai sin la pagina d'internet [www. disentis.ch/Downloads/Leschas](http://www.disentis.ch/Downloads/Leschas).

Suprastonza communal

Controlla da habitonts

Naschientscha

Mattia Schmed, naschius ils 13 d'october 2014, fegl da Daniela e Tomas Schmed-Albin.

Mummas cun affons pigns

Teater da casperets «La principessa striunada»

Mesjamna, ils 29 da october 2014 allas 15.00. Vus essas tuts cordialmein envidai en a nies teater da casperets che ha liug el Center d'agricultura Disentis/Mustér.

Silsuenter sorpresa pils affons e stiva da caffè.

Nus selegrein sin Vossa viseta
mummas cun affons pigns Mustér



Apparats d'udida

Gliendisdis, ils 27 d'october 2014, saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11.

L'uniun Pro Audito Cuera, cun signur Arthur Jacomet fa quei survetsch per tuts interessents gratuita-mein.

Cordiala invitaziun
Puntreis, Center da sanadad

Mummas cun affons pigns

Workshop

7.11.2014, 19.30 im Aua Viva, Kindertuina für den Hausgebrauch mit Sandra de Martin, Akupunkteurin. Annunzias pren Manuela Maissen, tel. 081 936 43 24, bugen encunter entochen ils 6 da november 2014.

Sin Vossa participaziun selegran
Mummas cun affons pigns Mustér

Uniun da gymnastica UGM

La gymnastica per veterans e seniors entscheiva **gliendisdis, ils 3 da november 2014** sco usitau el center da sport e cultura Mustér.

Sperein sin ina stedia participaziun e novizs ein cordialmein beinvegni.

La suprastonza

Cuors samaritan intensiv.

L'Uniun samaritana Mustér organisescha in cuors samaritan intensiv per interessents che vulan frest-gentar e profundar lur enconuschientschas digl'emprem agid.

Datums:

Sonda, ils 8 da november, 8.00–11.00/13.30–17.30

Dumengia, ils 9 da nov., 8.00–11.00/13.30–17.30

Liug: Casa da scola Mustér

Annunzias: ein da far entochen ils 3 da november 2014 tier Yvonne Flepp, 7180 Mustér, tel. 081 947 50 35, e-mail: yvonne.flepp@kns.ch